



**Sud Bosne i Hercegovine
Суд Босне и Хецеговине**

**Broj: S1 3 IŽ 043806 22 IŽ
Sarajevo, 31.08.2022. godine**

Sud Bosne i Hercegovine u Sarajevu, u apelacionom vijeću sastavljenom od sudija Zvezdane Antonović kao predsjednika vijeća, Mirsade Džindo i Mirko Božović, kao članovi vijeća, odlučujući o žalbi žalitelja Politička organizacija Savez mladih snaga, ul. Baruthana 63, izjavljenoj protiv odluke Centralne izborne komisije Bosne i Hercegovine broj: 05-1-07-6-1232/21 od 22.07.2022.godine, zbog kršenja Zakona o finansiranju političkih stranaka, na nejavnoj sjednici, održanoj dana, 31.08.2022. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine (u daljem tekstu: CIK BiH), broj i datum navedeni u uvodu, izrečena je adiministrativna mjera uskraćivanja prava kandidovanja na narednim izborima žalitelju iz razloga što CIK BiH nije podnijela traženu dodatnu finansijsku dokumentaciju za 2019. godinu, te nije omogućila Službi za reviziju finansiranje političkih stranaka obavljanje pregleda finansijskog izvještaja u prostorijama stranke.

Žalitelj je blagovremeno uložio na navedenu odluku.

Podnositelj žalbe u žalbi navodi da nije tačno da su uskratili pristup prostorijama političke organizacije Savez mladih snaga, s obzirom da je jedino ovlašćeno lice predsjednik Vedad Jašarević u to vrijeme bio van države, na putu u Sjedinjenim Američkim Državama, te da je i Alma Jašarević, kao ovlašćeno lice za fmanjsijske izvještaje u isto vrijeme bila sa Vedadom Jašarevićem u Sjedinjenim Američkim Državama, u posjeti bratu, a kao dokaz prilaže avionske karte Alme Jašarević. Navode da se kompletna finansijska dokumentacija političke organizacije Savez mladih snaga nalazi kod ovlašćenog knjigovođe, te daje Služba za reviziju mogla pregledati predmetnu dokumentaciju kod knjigovođe i da su povrijeđena pravila postupka i nepotpuno i nepravilno utvrđeno činjenično stanje.

U odgovoru na žalbu Centralna izborna komisija Bosne i Hercegovine predložila je da Sud predmetnu žalbu odbije kao neosnovanu.

Žalba nije osnovana.

Iz stanja spisa proizilazi da je Centralna izborna komisija BiH svojim aktom broj: 03-07-6-487-2/20 od 24.09.2020.godine poslala obavještenje žalitelju da u skladu sa odredbom člana 12. stav (5) Zakona o finansiranju političkih stranaka („Službeni glasnik BiH" br. 95/12 i 41/16) i članom 3. stav (2) Pravilnika o godišnjim finansijskim izvještajima političkih stranaka („Službeni glasnik BiH" br. 96/13 i 89/16), te članom 7. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH" br. 103/08) dužni dostaviti dokumentaciju za 2019. godinu, navedenu u citiranom aktu.

Kako politička stranka-podnositelj žalbe nije postupila u skladu sa Zakonom o finansiranju političkih stranaka odnosno kako ni nakon obavještenja Centralne izborne komisije BiH nije dostavila dodatnu dokumentaciju za 2019. godinu, upućena joj je urgencija za dostavom dodatne dokumentacije za 2019. godinu, broj: 03-07-6-487-3/20 od 02.11.2020. godine, sa istim zahtjevom za dostavu dodatne finansijske dokumentacije za 2019. godinu, po kojoj stranka, takođe nije postupila.

Aktom broj: 03-07-6-487-4/20 od 06.07.2021. godine, Savez mladih snaga obavješten je o najavi revizije odnosno da će Služba za reviziju finansiranja političkih stranaka izvršiti reviziju Godišnjeg finansijskog izvještaja političke stranke Savez mladih snaga za 2019. godinu, na dan 16.07.2021. godine, a da ukoliko imaju bilo kakvih dodatnih pitanja kontaktiraju Službu za reviziju finansiranja političkih stranaka. Stranka je najavu uredno primila 09.07.2021. godine.

Revizijski tim je dana 16.07.2021. godine, otišao na adresu političke stranke Baruthana 63, Sarajevo, ali na navedenoj adresi nisu pronađene prostorije političke stranke Savez mladih snaga, te nije bilo moguće izvršiti najavljenju reviziju.

Nakon toga, Centralna izborna komisija BiH donosi zaključak o pokretanju postupka odgovornosti podnosioca žalbe zbog osnovane sumnje da je prekršila odredbe člana 10. stav (8) Zakona o finansiranju političkih stranaka, broj: 05-1-07-6-1232/21 od 30.12.2021. godine i isti uz poziv za izjašnjenje i dostavu relevantnih dokaza u roku od 15 dana od prijema poziva-zahtjeva, šalje podnosiocu žalbe, kako bi se razjasnile sve okolnosti i data mogućnost političkoj stranci da ostvari i zaštiti svoja prava i pravne interese u ovom predmetu, uz mogućnost davanja izjave na usmenoj raspravi u prostorijama Centralne izborne komisije BiH broj: 05-1-07-6-1232/21 od 30.12.2021. godine.

Dana 02.02.2022. godine, Alma Jašarević, kao lice ovlašćeno za zastupanje stranke, je dala izjavu na usmenoj raspravi, i istakla da nije sigurna ko je preuzeo poziv o najavi revizije, a da Vedad Jašarević kao jedino ovlašćeno lice stranke, tada nije bio u državi, kao ni u vrijeme dolaska Službe za reviziju, te da su spremni na saradnju i dostaviti svu potrebnu dokumentaciju.

Što se tiče žalbenih navoda daje Vedad Jašarević, predsjednik stranke, jedino ovlašteno lice i da je u vrijeme najave bio u Sjedinjenim Američkim Državama, te da se zbog toga ne može tvrditi daje uskraćen pristup prostorijama stranke, pogotovo i što je kako se tvrdi Alma Jašarević, tada bila odsutna iz države, valja istaći da je akt o najavi revizije, sa datumom od 09.07.2022. godine preuzet na adresi podnositelja žalbe, a da sam podnositelj žalbe nije negirao isto ni prilikom usmene rasprave, kao ni u samoj žalbi.

Podnositelj žalbe navodi da je i Alma Jašarević, u isto vrijeme kada je Služba za reviziju CIK BiH dolazila na adresu stranke bila odsutna i nalazila se zajedno sa Vedadom Jašarevićem u Sjedinjenim Američkim Državama, iako iz elektronske avionske karte priložene na zapisnik, stoji daje Vedad Jašarević otputovao 08.07.2021. godine, a u Sarajevo vratio 19. 07.2021. godine, dok u priloženoj elektronskoj karti Alme Jašarević stoji daje otputovala 02.07.2021. godine, a u Sarajevo vratila 17.07.2021. godine.

U cilju ispitivanja žalbenih navoda Centralna izborna komisija BiH je aktom broj: 05-1-07-61232/21 od 15.08.2022.godine tražila dostavu ovjerenih kopija pasoša sa ulaznim i izlaznim vizama o putovanju u Sjedinjene Američke države za Jašarević Vedada i Jašarević Almu, u vrijeme koje je navedeno u dostavljenim elektronskim kartama.

Imajući u vidu naprijed navedeno, a posebno činjenicu da postoje neslaganja u datumima iz dostavljenih avionskih karata i kopija pasoša, kao i daje podnositelj žalbe bio obavješten o datum dolaska Službe za reviziju u prostorije političke stranke, Centralna izborna komisija BiH je donijela pobijanu odluku.

Bez uticaja su navodi da je Služba za reviziju finansiranja političkih stranaka, finansijsku dokumentaciju stranke mogla pregledati kod ovlaštenog knjigovođe političke stranke Savez mladih snaga, obzirom da se revizija obavlja u postorijama političke stranke, a ne kod ovlaštenog knjigovođe, te da sama politička stranka organizuje prisustvo ovlaštenog lica u svojim prostorijama. Naime, Centralna izborna komisija BiH je podnositelju žalbe najavila reviziju na zakonom propisan način, a koji ne podrazumjeva kontaktiranje knjigovođe političke stranke i zakazivanje revizije. Politička stranka sama dostavlja Centralnoj izornoj komisiji BiH imena ovlaštenih lica.

Osim toga, Savez mladih snaga traženu finansijsku dokumentaciju nije dostavio ni nakon povratka sa puta u Sjedinjene Američke Države.

Podnositelj žalbe ničim ne dokazuje da Centralna izborna komisija BiH nije uvažila i nije dozvolila stranci da naknadno dostavi svu potrebnu dokumentaciju u pogledu finansijskog izvještaja za 2019. godinu.

Odredbom člana 10. stav (8) Zakona o finansiranju političkih stranaka, uskraćivanje pristupa prostorijama stranke Službi za reviziju finansiranja političkih stranaka izjednačava se sa nepodnošenjem finansijskog izvještaja, a za ovu povredu Centralna izborna komisija BiH političkoj stranci uskraćuje pravo da se kandiduje na narednim izborima.

Pojedinačnom ocjenom izvedenih dokaza i u njihovoj uzajamnoj povezanosti, Centralna izborna komisija BiH je pravilnom ocjenom dokaza utvrdila da je politička stranka prekršila odredbe člana 12. i člana 10. stav (8) Zakona o finansiranju, zbog čega je izrečena administrativna mjera uskraćivanja prava kandidovanja na narednim izborima.

Iz naprijed navedenog, kao i samog obrazloženja pobijane odluke Centralne izborne komisije BiH proizilazi da je Centralna izborna komisija preduzela radnje u skladu sa Zakonom o finansiranju političkih stranaka kako bi omogućila političkoj stranci da i nakon utvrđenog roka dostavi finansijski izvještaj za 2019. godinu, što nije učinila, a obavještavana je uredno.

Obzirom na navedeno, po ocjeni ovog vijeća, pobijana Odluka Centralne izborne komisije BiH je pravilna i zakonita, a žalba neosnovana, pa je istu, primjenom odredaba člana 81. Stav 1. Zakona o upravnim sporovima Bosne i Hercegovine („Službeni glasnik BiH“, broj 19/02, 88/07, 83/08 i 74/10), valjalo odbiti.

**PREDSJEDNIK VIJEĆA
S U D I J A**

Zvezdana Antonović